

千里也，一着之執，一迷之誤，證果難成，則徒費前功，功虧一旦，世之習道者，每多如是，惜哉，今日別館設立，吾亦有責，舉凡宇宙之中，凡屬玉清之門者，吾當隨時考核，尤以末世之期，天道循環之日，凡我門人學道者，強而習之，修真者，進而爲之，勿論人道，神道與仙道，均應竭其所能，眞修眞養，眞學眞行，夙夜勤勞，矢於一道，若學道者，能眞行之，吾當助其一臂，倘有頑而不悟，自毀其道者，吾當懲處之。

聖仙神佛，乃爲大公，神職雖小，乃亦至公，學道亦如是，公者即道也，道既無體，道亦無形，道在天地，亦在人心，觀此，應明其理也，壇前衆子，行道亦佳，自應竿頭百尺，更進一步，方不負

天帝之所期

呂師之所願也，願玄門子同勉之。

呂天尊示 丙午九月初十日（一九六六）

道之得失，係於人心

玄眞妙理話連篇，入世修來道在先，
道中渣滓般般在，怎能化卻便成仙。

一道之微，一道之妙，存乎一心，晚近學者，不憑道心，只求外表，莫測淵深，今之末世，道義難吟，求之其本，難得甘霖，俗世之士，名利相擒，外言於道，富貴追尋，如是

習道，大海尋針，柳兄傳語，別館談心，玉清到此，聊作詠吟。

夫道者，天地之旨也，天地無妄，妄則不祥，宇宙有道，無道則殃，此天道之所循環，人道之所立德也，吾道不孤，歷千百年來而不易，道不尋常，常於人身人心，不常於太虛者，實因太虛至空，太虛至靈，虛靈無有，焉可存道，道無爲，道無形，道無體，人不見之，天地亦不覺其道，至於一道存於天地之間，天地不覺，人亦不覺，天地有覺，人亦自覺，是故

太上曰：「大道無名，運行日月。」即是此故也。太虛者，無上之真也，道之者，理之所至也，以無上之真，沛於無上之道。故得其真，真之所謂德、善、勳、功、煅、煉、修、行、妙、玄、真、諦、即此十二字，以爲一真，倘缺其一，非真之道也。溯吾教自立教以來，千百年中，得道者不知凡幾，而失道者，亦恆河沙數，如何可得，應天運而化於人間，真修而真煅煉，如何便失，真修而不鍛煉，中道驟變，人事之參差，心猿之意馬，遂使人心失於一道，則江河直下，無復以挽狂瀾，此失之於道也，晚近傳道之士，多有狂妄之舉，但一一成真，此之謂何，抱真守一也，呂師慈悲度世，凡嫡傳子弟，犯輕微之失者恕之，犯無心之失者過之，倘觸犯天條，例不能恕，案稽在籍，以何道同爲例，一生狂妄，不遵

師訓，而歿後猶能以一真在抱，此無他，夙緣深厚，犯戒不深，天道仍能體諒恕之，若靈淺根薄，偶一犯戒，則污泥深染，難以自拔也，吾隨

恩師已歷三百載，感 師之慈，體 師之悲，度人濟世，片刻不忘，古今之仙佛能與匹敵

者，只

大士而已，惟大士之悲慈，澤及坤衆，乾門子弟，難澤悲慈，而呂師不分陰陽，不拘草木，三界十方，有靈則感，頑石雖頑，仍可應機而化造，一道無量，淺而言深，一得之微，在在皆從於道也，是故舉凡宇宙之間，一切含靈者，皆可度之，惟是人於慾海中慾念至多，七情六欲四關三毒，疊疊付於人身，除其二三，仍留四五，得除四五，仍留二三，能盡除之，非大澈之士，不能爲也，夙緣人緣，前緣後緣，此爲人數之外者，此爲先天之數，後天之化造，後天之循環，此爲人之數也，若能以後天之數而配於先天者，難得之真也，先天之覺，而後天不智者，真覺難知，俗世之士，虔誠篤道者多，眞明眞理者少，行道如一，爲善則能明，能眞行明理者絕少，每以人海之念，而應一道之眞，此大謬也。今夕靈都子有感而言，吾亦同情之，汝等須知，別館之立，乃人神之劫運轉移，玉清行館，宣化人間，工作之中，絕無人爲之事，亦無人意之念，放曰靈都之子，亦無人念於斯，難乎顯通明昨非而今是，倘再因循蹈矩，難免失真之虞，別館初成，呂師派吾任爲監護，吾以世道日非，難於處理，承以柳大師兄悲慈救世，甚得師心，故力舉而爲之，但仍恐不肖之徒，叛羈之馬，錯是生非，人道立場，淆亂斯館，是故呂師命吾負此，「玉清都總巡察」之任，吾曾請命於師，十方三界，各級壇堂，自應授權主壇者，以道力行之，尤以行館之設，刻刻提防，勿沾是非之門，人事之不蔽也，都天之下，玉清之門，主壇事者，多屬紀爲弟子，而別館之職，主其事者，眞格之誠，故天道應授以全權也，本館對外，乃私人壇堂，而對內者，則玉清直轄之門，應外而顧內，實乃眞修之道場，負外而

責內，乃玉清人神合併之機構也，爲何如是，度劫度世，以應天運之數也，本館子弟，能速進，亦能速退，明真理者進之，人意之念者退之，吾任巡察不惜道力之深淺，仍以一道之眞，乃爲己任，倘衆生雖明其道而不明其眞者，任之可也，世道非常，道亦非常，倘不非常者，焉可見眞也，今而後，玄門諸子，警惕自身，切勿冒昧而犯於眞道也，吾今以巡察之職，着令本法壇掌壇者，依照天壇之例，逢正月望日，審核新舊各級弟子，加註按語，彙送玉清，仍以大公無私，批註考核，吾當覆審，送師，分別加判，以表功過，若不遵者，勿論何人，輕者過之，重者削之，更重者嚴懲之，勿以吾言爲河漢也。（編者按：葢，音產，人事不能解決之事）

呂祖先師示

丙午十一月十五日（一九六六）

天地循環之劫，自應以應數還原

三期末劫降凡塵，大道循環論果因，
衆生修德功勳在，災害豈能及自身，
晚近風雲隨處起，說假還須顧及眞，
雷霆片刻人間上，百年好夢化埃塵。

戾氣冲天地，今古亦相同，天劫化人劫，降凡似流洪，
天厄化人厄，人似夢魂中，星星火雖小，燎原萬里紅，

玉清立於人間，行將一載矣，呂帝之度人度世，實爲無量也，千百年來，爲度衆生，徬徨于天地人之中，宇宙之含靈者，可度者亦度之，可化者亦化之，帝君之願，無時或已，帝君之力，時刻而行，應三才之緣，集都天之妙，因緣應化，盡度蒼生，千百年來，妙成眞道者，類多出自呂帝之門，可見一道之行，能歷久而不懈者，眞道始見也，今日之世，處於末劫之期，天運之混沌，已屆盡頭，若能守眞抱道，終始貫徹，勿論人海過程，爲是爲非，乃眞乃假，處境之富貴，遭遇之貧賤，倘能守於一道之中，不爲是非眞假，富貴貧賤所移者，則眞道永存於人之身心，若能此，則不果證抱運者幾稀矣。人能行道，道必隨之，人能守道，眞必在之，人能習道，道必悟之，人能煉道，道必護之，能習能行，能信能守，進而能修能煉，則雖非仙佛之體，亦存仙聖之靈也，諸子乃呂帝門人，能隨師願以修己達人之旨，則前途無可量也，謝

附錄

呂祖先師祝詞

精忠爲報國，孝行古人風，靈侯式儀範，九天立勳功。

太上道祖示 丁未七月初一日（一九六七）

論道

一道爲無量，有爲亦無爲，

千秋傳萬世，萬衆亦同皈。

一道之行也，沛乎天地之中，一道之妙也，合萬物之至理者，一道之傳也，格於至真，一道之理者，發衆生於本來，明而不蔽，道既在人間，凡屬衆生，均具一道之妙理存在者，能明其理，則道在焉，道可覺，不可現，道可修，不可輟，道可行，不可斷，道之爲物，既不見，又不聞，既無體，又無形，創道之初，無以名之，故強而曰道，雖曰強，而真之所現者，亦非強而爲之，道即途也，路途之中，勿論百千萬里，終有止境者，若按圖索驥，耐心行之，必達盡頭一真之所在，若不達終止，難覺真在，塵海衆生，一入後天以來，恰如迷途之羊，不擇方向，迷迷然而行之，則捨正路而入歧途者，比比皆是，雖曰大道當前，而仍不覺也，倘能問道於途，則光明之路，自觀自覺，進而堅忍行之，道亦現矣，舉凡後天一切，唯心唯物，六欲七情，一切皆從有爲而起，萬物之生長也，四時之交替也，莫不循環相替，人之入世也，由無知而有知，人海過程，亦由數之所定，生老病死，不離六道，雖曰帝皇之尊，亦感好花不常，春光易逝，此有爲之法，慾海之道也，心能不爲，物能不爲，以致萬物而不爲者，則無爲之道，瞭然而興，欲致萬物不爲者，應從清靜以爲開端，以寂無所寂爲終止，性靈不昧者，如山水之清，較易了澈，每一衆生，因其含靈各異，以有爲化於無爲，各具不同而已，道中至寶，不外二門，所謂二法雙修，亦即內外之功，同修共證，更曰三品之理，存乎精氣神者，實即存乎於一心也，心能明，性自見，能見性者，三品之運用，一切自如也，若根求於理者，而心性未得，至理雖明，難超上乘，所謂一炁而化三清者，端賴心性俱明，炁存先天而攝於人心，心無存物，着着無

爲，憑一炁之本來，則三清合一也，是故釋門經典所云，佛即是心，心即是佛，心能常住，則心無所心，常住者，恆久不變也，可知釋道眞理如一，萬般諸法，無所爲者，憑乎一心耳，至曰性命之雙修，亦即內外二門，同修同證，不即不離，似有亦虛，循其道以行之，勿存僥倖之心，勿貪捷徑之道，則漸行漸覺，眞覺自悟，若此，當能抱道還原，在不知不覺中而涅槃也，念諸子之誠，綜言一道耳，願門人同勉。

附錄

呂祖先師祝詞：

三清一炁妙玄中，道德黃庭創道功，老君聖壽千秋日，九天同頌道之宗。

又訓示玉門諸子云：

太上論道，既淺亦深，內外二法，三品之理，綜合闡傳，諸子宜勤參悟之，此文多參多悟，便可正覺矣。

鄭安期金仙示 丁未七月二十四日（一九六七）

靜定可以化厄，善德可以卻殃

一道爲無量，道既可道，亦非常道，觀此一道之微末，亦可卻百千萬劫也，靜與定二者，曾於外內二門已有闡述矣，能持此，則可化厄，善與德，能修持，則凶災可卻，由此觀

如來世尊恭領諸佛，由文殊、普賢二大菩薩充禮生。

道門則由

太上道祖率領下列高仙聖，司儀由柳、呂二天尊。

儒門由

孔子率領七十二弟子，行儀由顏淵、子路二大學士充任。

領行壽禮者，正爲

無極聖母，副爲

瑤池王母。

至於三界高級神祇，則於今晨辰刻，假泰山之巔，玄妙之觀，作祝壽之場。是次禮儀爲十五甲子之中，集諸佛、諸聖、諸仙、諸神於一堂，爲歷屆中之大盛典也。

今日則爲人間道場之祝賀，故特示知聞。恭請

呂祖恩師賜訓

呂祖先師示 戊午四月十四日（一九七八）

論道

一道遵行數千年，多成果證佛亦仙，

人間無數真空體，悟得真功壽萬年。

一道行於世也，自

太上創道迄今，逾二千餘載。道也者，理氣也，理者爲原，氣者爲具，本無眞秘。一道之運行，在三才之中，其理所至，能感者當能受，受之頓悟，自明其理，了其理，容之於氣者，必能煉，能煉，必見其眞理也。是故道之所至，雖木石之頑，亦能開悟。天地之中，一切含靈者，均可感一道之精，本性之靈，合一而煉之。人爲萬物之靈，較之草木禽畜，其靈豈祇百千之倍，倘能獨具一心，化慾以行，其成就當較萬物爲優者。雖然萬物之優點，在於無情慾，其缺點，精靈不及於人耳，而人則不然，最缺者，乃情慾之難捨，優處則爲其性靈之獨特，是故優劣相等，煉道亦然。總而言之，人身難得，天心易失，一切有情，自困自受，殊爲惋惜也。學道者，能心常虛靜，以應萬物，似有情，若無情，以視後天，假當棄，眞自抱，以迎入世，行當斷，志當堅，不入虛無，不知天地之久，不明玄理，不知一道之途，甘苦趣樂，道途中自能領受。人海過程，區區數十寒暑，欲離六道，了死生，自應明眞理，悟澈本來，而進於大道也。茲篇所述，厚望諸門人，時刻默讀，當有啓悟者，訓而悔之，教而知之，師長之本份也。芸芸衆子，未知能領悟否耳。竿頭百尺，仍冀有進於一道也。

鍾離太師示 戊午四月十五日（一九七八）

修道之次序

道心能常住，善惡亦分明，